

Tiak Ai Imma Isht Anumpa.

Tiak Kanchi. Tiak Chumpa, Chikosi Holitopa Bunna
Ulheha, ako Isht Anumpa Hoke.

Tuskahoma Party vlheha

Hot Miko McCurtain et Chahta Okla Ha Apilpoat
Tiak Chumpa Ulheha Nan Anukfillit Aiash Tuk
A Im Oktapli Tuk A Im Aickpanchi Hoke.

Executive Committee
Tuskahoma Party.

{ D. C. MCCURTAIN,
W. H. ANSLEY,
W. A. SHONEY,
WILL HARRISON.

TIAK AI IMMA ISHT ANOMPA.

“HARRIS, INDIAN TERRITORY, }
February 18, 1903. }

HONORABLE GREEN McCURTAIN,
Principal Chief, Choctaw Nation.

Himak a anumpa ut iklawo kia chi holissochila chi hosh binilili kut nana kut himak a Bok Homma county a yakohmi ho il aiasha ka iluppüt ai ulhpiesa cho? Chahta hattak himmitoa kaniokmi kut yakni tiak foka ako yakni ya apowachi mia cha nahullo ya tiak a i kampila hosh aiasha kut allotment acheffa ka tui holisso pokoli ushta ho kampila kut iskulli yo ishi keyu, amba ulhpoyak shila, na toshbi yo ayowa hosh aiasha, yummek illa keyu, amba inla i claim okia ataklamichi kut yummek osh nahullo nana isht ai ittim apesa na okla ha ataklamichi kut ai alhi shke. Yohmi ka nan ulhpisa ut pi tola ka piyimmi, itti ikancho ka chi ka oktabli kut. Yohmi hosh chi ponaklola chi ka am asilhha ho chi holissochili shke. Yohmi ka tiak kanchi iluppüt oktapa keyu hokma chikosi kut ai alhi ho yakni iluppa tiak ut ik pim iksho ka chi hoke. Hoka miko ut kaniokmi kak osh ish oktabla hinla hokmut ish oktabli na, tiak chumpa iluppüt ik pia taklamicho hokbano il ahni hosh i chim asilha shke.”

Anumpa paknaka takali iluppa Chahta ai acheffa yosh Miko McCurtain a i holissochi kut, Ulhti atukla anukaka ya tiak chumpa ulheha hosh, hattak upi homma nan immi hatuk a wihpolli hosh ai asha ho, oktapli hokbano ahni hatuk oke.

Anumpa iluppa chohmi kut ai asha hoke. Ulhti atukla anukaka ya yakni kanimi ka tiak iluppük illa kak osh ulhtoba achukma, amba tiak yemma ai isht tahli hokma, yakni oketo osapa ayimma tobbä he ahni ka achukma keyu hoke. Hattak, chekosi holitopa banna ulheha yosh, itti yummüt ulhtoba achukma ka ikhana, yohmi kia yakni yokono banna keyu mut, itti akilla ho ulhtobba ona keyu ho hatta upi homma ya im achumpat tahli cha, yakni kalakshi akilla ho i talala chi ka mahaya tuk oke.

Miko McCurtain ut yemma ik oktaplo tuk ma na wihpoli

chinto micha na haksichi i ponna aiena kut, "court citizens" okla hut nana akaniohmi tok yummuk illa ho iklaweheho hosh vltaha hetuk oke. Itti ya mominchit chumpat tahli cha, ai okpanichit tahla chi anukfilli hosh ahashwa tuk iluppit im aialhi tuk okma, nana ai anukfilli ka weki fehna hetuk oke.

Himak nan vlpisa pin tunla ai i nutaka hokuno tiak vt asha achukma hokmut vltoba onotola cha, yakni vt vltoba kanohmi hokma yummuk inli kako ibafokka hoke. Yakohmi hatuko, hattak vpi homma vt yakni tiak asha ho ishi hokmut, tiak vltoba onotolat vltaha yummuk yakni vltobba ya ibafokka ho ishi, tiak vt asha hokma keyukma nana hohkia, yummuk vltobba onotolat taba cha holisso ha fokka tok, micha yakni ai ohinli yummuk o ibafokka tok. Yakni vltobba onotola yumma ai iakaya ka hattak achuffa kut ai isha he vlpesa kut, yakni tuli holisso tulhepa sipokne achuffa cha tuli holisso pokoli ushta vltobba foka hoke. Yakohmi hoka hattak vpi homma vt yakni eka tulhepa tuchina pokolih tuklo kut eka achuffa kut iskulli tuklo vltoba, yohmikma tiak paknaka aiasha yummuk eka achuffa kut tuli holisso tuchina vltobba yo ishi hokmut, tiak akilla kut tuli holisso tulhepa chakkali micha pokolih hannali aiena vltobba ho isha hinla, yohmikmut yakni vto tuli holisso okolih untuchina vltobba akilla ho isha hinla hoke.

Hattak kanimi kut yakni yumma ishila chi ahni keyu kia, tiak aiasha tuk yumma kanchit tahli tok osh, i himak ma ishi ikbano, itti yumma kanchili tok keyu achi hokmuno katimih chi hosh yakni yumma ibbak i fokka hinla cho? Kanchi kut ai alhi tok a nan isht vltokowa ya kana hut pisa hekeyu, pe lumma hosh nan ittim apesa yatuko Yumma chohmi ka hattak kanima kut ont ai iklannat isha chi ho vltobba okoto tuli holisso tulhepa sipokni achuffa micha pokolih ushta, yohmi kia tuli holisso pokolih untuchina akilla vltobba yosh yakni vt talaya hinla, tiak vt tuli holisso tulhepa chakkali micha pokoli hannali vltobba hosh ai asha tuk a, inla hosh yakni yummuk ummi hachi ahni keyu hosh tuli holisso tulhepa tuklo pokolih ushta vltobba ho kanchi tok o asha hinla hoke. Iluppa chiyohmi ka nan pimmi ha ai ittilaet ittakashkova, nan vlpisa micha chuleti aiena iakaya, kata hosh acha hinla cho?

Anonti yakmihehit anukfillik ma yakohmi: Chahta lawa kut tiak ano kampelat tahli kia yakni akilla ho isha chi hoke. Chukka vt yumma i talaya hatuk osh Chahta nan immi hatuk a iklana keyukmut ont iya kanima hosh i kanehiya iluppa achukma, vlpesa ahna hinla cho? Chahta nan isht im ai vlpiesa ako il apesacha he atuk keyu cho? Iskulli ikbi banna vltobba hut, hattak vpi homma ya vltobba achukma ho il im atthei tok acha chih bano, hattak vpi homma kanimi kut apelanchit i toksali tuk vltobba ho vno vltobba achukma

ho im atobbi pulla, yohmi kia immi ai alhi vlheha yakano vlhtoba ikono fehna ho im atobbi hoke.

Tiak ut teli holisso vlhepa chakkali pokolih hannali vlhtobba ho, hattak vpi homma ut teli holisso vlhepa tuklo pokolih ushta ho isht ishi hoke; yohmik ma yakni vto teli holisso pokolih untuchina vlhtoba, moma kut teli holisso vlhepa tuchina pokolih tuklo iloppuk illa ho ishi hoke. Nahullo keyukmut Chahta okma nana hosh itti chumpa hatukmut teli holisso vlhepa untuklo pokolih tuklo iloppuk o Chahta ya wihpolli hoke. Itti chumpa vlheha hoka ant ik yamohmi ahni na, hattak vpi homma nan isht im ai vlhpiesa micha nan immi aiena ka isht tayahla hinla cho?

Tuskahoma party vto yemma vlhesa ahni keyu hoke.

Na haksichi vlheha iloppuk kana ho hotopali kut moma i shahli kut ilbusha, micha vlla vlhtakla hofanti ikono atone vlheha ak oke. Yummuk okut vlla putta yakni im vlhpoa tuk itti asha ka wihpoli hoke. Himak nan vlhpiesa itonla ai i nutaka hokuno yakni ya vlhtakla atone, keyukmut hofanti ikono ya i shahli kut i kancha hekeyu hoke. Yohmi kia itti ano yummuk keyu hoke. Ulhtakla micha hofanti ikono vlheha i yakni tiak asha ka vlhtobba ona keyu ho kampilat tahli hokma vlla yummuk yakni, tiak aiena kut teli holisso vlhepa sipokni achuffa micha pokoli ushta vlhtobba yo eshia hetuk kia, teli holisso pokoli untuchina vlhtoba akilla ho isha nla hoke. Ai isha he ai vlhpiesa tuk a teli holisso vlhepa uklo pokolih ushta atone keyukmut iki ak osh ishi, yohmik ma teli holisso vlhepa untuklo pokolih hannali iloppuk o itti chumpa ut ishi hoke. Vlla vto yakni teli holisso pokolih untuchina vlhtobba iloppuk illa ho ishi hoke. Yakmihechi kut vlla hofanti ikono nan immi nan ai anukfilli i punna keyu hoke. Natihmi ho Chahta okla im vlla nan immi ha ant ik okpolo ahna hinla cho?

Himak a na pimmi ha ittakashkowa chi hosh il aiasha ma, na haksichi ut pi apakfoyopa hatuko vlla hofanti i ono micha kana apelanchi he iksho poyutta nan ai isha he vlhpiesa micha nan immi aiena ka apesacha he ak osh vlhesa hoke. Tuskahoma party nana anukfilli kut yummuk oke.

Ulhtih atukla ya itti chumpa ut ashwa micha vlhtobba kaniohmi ho atobbi hosh ashwa ho Miko McCurtain ut haklo mut mih makinli ho oktapli banna tok. Mihmakinli ho Dawes Commission mikmut Secretary of the Interior ya haklochi tok. Yakohmi tuk pulla ka o itti chumpa vlheha hut Chahta ya pehlichit land office a isht on v tuk kia nan ik im vho tok oke. Land office nan vlhtoka chiya kut yakni ut tiak asha hokuno kanna ik holisso cho kachi ho anumpa ishi tuk osh chiya hatuk osh im oktapli tok oke. Iloppuk fehna ma nahullo tiak chumpa vlheha hash osh Chahta yut yakni ai isha he ai vlhpiesa tuk a ik im aiokpacho shke, achit

ai asha tuk oke. Nana isht attaklayama kut Chahta ulheha ya i shahli fehna tuk oke. Nantihmi ho iskulli ikbi banna iloppuk osh Chahta yut tiak yakni ik holisso cho ma nan isht ataklayamat itta nowa tuk o? Afalama yut luma keyu shke. Amba Chahta okla ha iskulli laua ho ai ikba chi hosh aiasha tuk ut ataklama kak atuk oke. Nana achuffa kut otayani kut yakni akmut tiak aiena kut Chahta okla akq immi, yakohmi hatuk o im apesanchi ai alhi ka tiak chumpa ut ai isha he keyu hoke. Chahta putta kut iloppa ikhayana. Tuskahoma party nan anukfilli kut Chahta achuffa aiokali kut yakni ai isha he ulhpiesa kut ishi yohmi kia tiak chumpa ulheha ha tiak a i kashapla he ahni keyu hoke. Miko McCurtain ut Chahta okla ha apihpoat tiak chumpa ulheha nan anukfillit aiasha tuk a im oktapli tuk a Tuskahoma Party ut ai ulhpesa ahnit aiokpanchi hoke. Nan anukfilli tuk a i oppuk oke:

McCurtain ut ik yamohmi ahni na yakni tiak asha hokono okla ik ittakashkowo ho nan anukfilli ai ulhpiesa keyu ai asha putta kut ulhpokseyat tayaha mak a hinla ahni tuk a ulhpesa il ahni hoke.

Iloppa yakmihchi kut, yakni tiak asha okla aiasha kak osh anumpa ha i bohohli kaka tuk oke.

Iloppa yakmihchi kut im ai okla nan isht im ai ulhpiesa ya apesanchi kut ottayanishke.

Tiak ut afemmi ai okalik ma ulhtobba achukma kut i shaht mahaya hoke. Tiak chumpa ulheha hut iloppa ikhana hatuk osh ai ulhpiesa keyu anukfilli hosh ulhtobba yut ona keyu ho atobbit isha he ahni ho-h ai asha tuk oke.

Nana ai ulhpiesa keyu chinto hosh Chahta okla ha im ayamohmi pullase tuk oke. Nana ai ulhpiesa keyu yemma Miko McCurtain ut oktapli kut Department of the Interior yokat ehikosi ittitakla a yakni tiak asha kano halanli na ik ittakashkowo hokbano ahni na im aiokpanchi kak atuk oke. Yakni tiak asha ka Chahta yut isha chi akinli, yohmi kia nana kut ai ulhpiesa keyu ho anukfilli hosh nan ittim apesat ai asha tuk putta ka afanalichit lhopulli na tiak a kanchi hokmut ulhtobba ulhpesa ho im ulhtobba hinla kut ulhpokseyat taiaba hokmak achi hoke.

Choctaw Protective Party okla hut nan anukfillit aiasha mut Miko McCurtain ut Chahta okla ha apehpoat tiak chumpa ulheha ha asanahali tuk a nanta ho okla achi?

“Ai ulhpiesa keyu, nan ulhpisa iakaya keyu, nana ka haksichi, Green McCurtain nan isht ahanta putta ka ai ulhpiesa keyu ilachi.”

Choctaw Protective Party ut Hugo ya ai ittafamat chiyat nan anukfilli mut Miko McCurtain ut Ulhtih atukla yemma tiak chumpa ulheha hut tiak a ai okpanichit tahla chi hosh ai asha tuk a im oktapli tuk iloppuk o ai ulhpiesa keyu achi hoke. Kuta hak o ai ulhpiesa keyu ho im ayamohmi tuk o?

Kuta hak o hotopali tuk o? Tia^k chumpa v^lheha ak atuk oke.

Hugo platform nan amiha kak o iakaya hokma, mⁱk^o ut Department of the Interior yet ik yohmi ahni na yakni tiak asha kvⁱ pe talaya tuk o, tiak chumpa nan anukfilli tuk putta k^a afanalichit lhopulli hayukbano ahni tuk iloppuk o “nan v^lhpisa keyu” achi hoke.

Hugo Convention chiya kut Mⁱk^o McCurtain ut nana ho anukfilli kut tikbanli im anoli tuk keyu iloppuk o ikhayana hosh cheya tuk; tiak chumpa v^lheha ha nana k^a yakmihchila chⁱ a hit im anoli tuk keyu, tikbanli im anoli tuk okmano apakfopa hoya hetuk kⁱa yummuk keyu tuk oke. Mⁱk^o McCurtain ut tiak chumpa v^lheha ha asanalit ahanta tuk iloppuk o Hugo Convention ut ai v^lhpisa keyu, nan v^lhpisa keyu, nana k^a haksichi achi kut ottayanishke. Yohmi kⁱa nukweya kak osh apokfopat anumpa inla ikbi hoke.

Yohmi k^a party tuklo iloppot tiak chumpa v^lheha ha nana ho im anukfilli kut ottayanishke.

Tuskahoma party v^oto mⁱk^o ut tiak chumpa v^lheha ha asananli tuk ako v^lhpesa achi hoke. Amba Choctaw Protective Party v^oto Mⁱk^o McCurtain ut tiak chumpa v^lheha ha ataklammi tuk ako ai v^lhpesa keyu, nan v^lhpisa keyu, nana k^a haksichi achi hoke.

“Chahta Okla Apilpoachi I Pati” y^o illi hohchiffo—“Tiak Chumpa O la Apilpoachi I Pati” y^o illi hohchiffo hokmak osh nana anukfilli ya ittim v^lhpisa hetuk ahoba shke. Hattak k^una hosh Chahta okla haksichi v^lheha ha im ilhtohnot apelanchit ahanta hokv^oto nan v^lhtoka he v^lhpesa keyu.

Yohmi k^a nana kut ottayani kut yak^ohmi: Choctaw Protective Party ai achv^offa yosh nan v^lhtoka illipaffi yosh Ulhti atukla yomma tiak chumpa v^lheha ha i toksali ai alhi—im v^lhtobba hosh ahanta hoke. Anonti Choctaw Protective Party nan v^lhtoka illipaffi achv^offa kut tia^k chumpa v^lheha ha tikba k^a apilanchit ahanta tok a isht illik hana k^a yakohmi: Hattak Richardson hohchiffo hosh nana anukfilli ho tiak ai imma ho nan v^lhpisa kaniohmi kut nan apesa ya lhopulli hokbano ahni toksali fehna tok a illikhana hoke. Hattak kana hohkia im okla nan isht im ai v^lhpisa ya asanali cha, iskulli ikbi banna v^lheha ako apelanchit ahanta hokv^oto nan v^lhtoka he v^lhpesa keyu hoke.

Yakohⁱ hoka Choctaw Protective Party ai achv^offa nan v^lhtokka yihapa ano apakfopat August nitak v^lhapik ma hachi vote akaneya ya hashona cha hattak yakomi kak o hachi vote a hash i himashke:

GEO. W. SCOTT,-----Toli Holisso Sholi.

ED. H. WILSON,-----Miko I Holissochi.

PETER J. HUDSON, Toli Holisso Sholi I Holissochi.

CHARLES S. VINSON,-----Hopia Chito.